



Pele Broberg
Inatsisartunut ilaasortaq, Naleraq

§ 37 naapertorlugu apequttip nr. 177/2025-p akineqarnera

Asasara Pele Broberg,

Ulloq: 03-11-2025
Suliap normua: 2025 - 21380
Suliap nr.: 25840914

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Apeqqutit uannut akisassanngorlugit innersuussutigineqartut qujassutigaaqka. Apeqqutit issuarneqartarput tamatumalu kingorna akineqarlutik.

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@nanog.gl
www.naalakkersuisut.gl

1. Naalakkersuisut ilisimasaqarfigaat peqqinnissaqarfimmut taartaajartorlutik suliartortut qanoq amerlatigisut peqqinnissaqarfiup aningaasalersugaanik ilaqutariit Kalaallit Nunaannut timmisartuussitinneqarsimanersut?

- a. Taamaappat, ukiumut taartaajartorlutik suliartortut qassit pineqarpat?
- b. Ukiuni kingulliit marlunni?
- c. Nunatta karsianut qanoq akeqarpa?

Akissut:

Nalunaarsuinerit kissaatigineqartut peqqinnissaqarfiup naatsorsuuserinermi systemianit toqqaannartumik pissarsiarineqarsinnaanngitsut Peqqinnissaqarfimmiit paasissutissiissutigineqarpoq. Peqqinnissaqarfiup naatsorsuuserinermi systemiani peqqissutsimut suliatigut ilinniarsimasunik taartaasartunik aamma ilaqutaasunut timmisartumik angalasarneq pillugu immikkoortitsineq ajornerat ilaatigut peqqutaapput. Tamanna isumaqarpoq apeqqutigineqartut akineqassappata nammineerluni misissuinikkut suliat tamarmik misissorneqassapput tamannalu piffissamik aningaasanillu atuingaatsitsiassaaq. Taamaattumik maannakkut § 37-mi apeqqummut sinaakkutit malillugit apeqqut akineqarnissaa periarfissaanngilaq.

Malugiuk Taartaasussatut atorfininnermut atatillugu tamarmik ilaqquttatik ilaginissaannut pisinnaatitaanngillat. Taartaasartut nalinginnaasumik isumaqatigiissut malillugu, tassani malittarisassat najoqqutassallu atuuttut malillugit, atorfinitsinneqartut kisimik ilaqquttatik angalaqatiginissaanut Peqqinnissaqarfimmit akiliunneqarsinnaapput. Peqqissutsimut suliatigut ilinniarsimasutut taartaasut sulisuni amigaateqarnermi matussusiisussat Peqqinnissaqarfiup akiligaanik ilaqutaasut angallanneqarneq ajorput.

Peqqinnissaqarfik maannakkut Mindkeymut atortulersuileruttorpoq, aaqqissuussap atortulersoreernerata kingorna paasissutissiisarluunilu nutaaliaasumik aalajangersimanerusunik paasissutissiisarumaarpoq. Aaqqissuussaq sukumiinerusumik aningaasaliinerit pillugit naatsorsuinerusalissaaq, tassani taartaasutut atorfinitsitat ilaqutaasa angallanneqarneranut atassuteqartut pineqarput.

Akissutigineqartut saniatigut § 37 naapertorlugu apeqqummut nr. 209/2024-mut akissutigineqarsimasut, tassani taartaasarfiit aqqutigalugit peqqissutsimut sulisunik atorfeqartitsisarnerit amerlassusaat pillugit paasissutissanik aalajangersimasunik imaqarmata taanna innersuussutigineqarpoq.

2. Naalakkersuisut ilisimasaqarfigaat peqqinnissaqarfimmi taartaajartorlutik sulisut qanoq amerlatigisut ilaqutariinnut akeqanngitsumik sulinnigiffeqartinneqarsimanersut, peqqinnissaqarfimmit akilerneqartut?

- a. Taamaappat, ukiumut taartaajartorlutik suliaartortut qassit pineqarpat?**
- b. Ukiut kingulliit marluk?**
- c. Nunatta karsianut qanoq akeqarpa?**

Akissut:

Peqqinnissaqarfiup peqqissutsimut suliatigut ilinniarsimasut taartaasussatut atugassarititaasut naapertorlugit atorfinitsitaat qassiuneri pillugit ilaqutaasut ilaasut paasissutissiisinnaanngilaq, tak. apeqqu 1-imi akissut.

Inissiisarneq pillugu Peqqinnissaqarfiup malittarisassat najoqqutassallu malippaat. Taartaasut isumaqatigiissut naapertorlugu atorfinitsitat kisimik ilaquttatik Peqqinnissaqarfiup sulinermit atatillugu inigigallagassamut malittarisassat maleruagassallu naapertorlugit inissiisarpur.

Ilaqutaasut taartaasussatut atorfinitsitaq atugassarititaasut akuerisinnaagunikkit najugaqataasinnaapput — uani assersuutigalugu utaqqiisaasumik ineqarfissat initaa ataasiuppat aamma isumaqatigiissutit allat, ass. attartornermut isumaqatigiissutit assortuunneqanngippat.

Peqqinnissaqarfik piffimmi tassani inigigallagassanik malittarisassat maleruagassallu malillugit tunniussissaaq. Taartaasorlu inimut akiliisassaaq inissiat peqqinnissaqarfiup sulisuinut allanullu atugassanngortinneqarallartut pillugit kaajallatsitaq takuuk, utaqqiisaagallartumik peqqinnissaqarfiup sulisuanut atugassanngortinneqassallutik.

Inussiarnersumik inuulluaqqusillunga



Anna Wangenheim